



**Il**s scolars da las emprimas classas da la scola primara da Tinizong han gi l'onur da retschaiver sco emprims il cudesch «il secret da Geraldina»: **Adriana Silvestre, Anja Kubli, Noah Durband, Celine Schaniel, Flavio Schaniel, Tiago Delgado (da sanester).**

# Tge secret ha Geraldina?

Uniun Rumantsch Grischun: Preschentaziun d'in nov cudesch

**■ (anr/gns) Anc gnanc in mez onn è passà dapi che l'Uniun Rumantsch Grischun è vegnida reactivada. Gia preschenta l'uniun l'emprim product. In cudesch d'uffants en trais linguatgs, en talian, tudestg e rumantsch, numnadain en rumantsch grischun. Venderdi passà è stada a Tinizong la vernissascha dal cudesch «il secret da Geraldina».** Avant ventg onns è vegnida fundada l'Uniun Rumantsch Grischun. Durant onns è l'uniun stada fitg activa en emprima lingua cun edir cudeschs. Enconuschents eran surtut ils cudeschs da la chasa editura «Dorling Kindersley» che l'uniun ha deditgà a divers temas. Gronds merits che quels cudeschs en cumparids ha surtut gi l'anteriur president *Felix Giger*. Oz dumbra l'uniun almain 300 commembers e parsura è *Rino Darms*. Numerus commembers da l'uniun en persunas da la Bassa. Il president actual da l'uniun è losch che l'emprim product da la nova suprastanza da l'Uniun Rumantsch Grischun è sin maisa. Perquai è il cudesch «il secret da Geraldina» vegnì preschenta en in rom tut spezial, numnadain en ina scola da pionier rumantsch grischun en Surmeir.

1. fin la 3. classa eran gia tuts nervus, cura che lur scolasta *Domenica Steier* ha cumenzà la lecziun dal suentermezdi. Nervus eran ils scolars era perquai che la televisiun era preschenta. Da la partida è er stà *Rino Darms*, il president da l'Uniun Rumantsch Grischun, che ha regalà a mintgin in exemplar dal nov cudesch d'uffants. Avant però ha *Domenica Steier* prelegì ina part dal raquint ch'*Elena Wullschleger* ha mess en plects. Ils scolars

han tadlà cun gronda tensiun e gizzà lur ureglias.

## 48 paginas

Il text dal cudesch «il secret da Geraldina» deriva da la plima dad *Elena Wullschleger*. Translatà en rumantsch grischun ha la Lia Rumantscha. Las illustraziuns derivan da *Fiorenza Casanova* che ha lavurà cun colurs decentas. Il cudesch cumpiglia 48 paginas ed è gia per uffants a partir da

sis onns. Il cudesch po vegnir retratg tar la Lia Rumantscha e tar tut las librerias che vendan cudeschs rumantschs. Il cudesch custa 18 francs e l'ediziun è stada pussaivla grazia al sustegn da diversas instituziuns. Tranter auter era da la Promozion da linguas dal chantun Grischun.

## Il cuntegn dal cudesch

Geraldina e ses tat Franz en amis per la vita. Ensemen inventan els plans secrets e cura ch'il tat mora cuntinuescha la giuvna protagonista, plain respect ed en regurdientscha dal passà, a realisar il project ambizius, urgent e secret. En in'atmosfera magica e mirvegliusa vegn inaugurada ina biblioteca. Quella n'enconuscha naging cunfins ed è in lieu per numerus barats, teaters mirveglius e bels inscuters. Quai è, en paucs plects, il cuntegn da la paraula che celebrescha ils cudeschs, las amicizias, las passiuins ed ils miraculs da l'imaginaziun. «Il secret da Geraldina», en il qual las vivas penelladas da las illustraziuns da *Fiorenza Casanova* correspundan a la sensibladad da l'autura *Elena Wullschleger Daldini*, è ina paraula che para a l'emprima vista scritta per ils uffants. Ma tgi che la legia a moda attenta scuvra spert ch'il text e las illustraziuns speran instantain d'intgantar er ils creschids. E quai n'è tuttavia betg in detagl nunimportant.



**Domenica Steier e Rino Darms dattan in'egliada en il nov cudesch, ch'è gist frestg or da la stamparia.**

FOTOS G. N. STGIER

## Sis scolars cuntents

Ils trais mattets e las trais mattettas da la